

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第七二冊

地方志人物傳記資料叢刊

國

家

圖

書

館

編

北京圖書館出版社

第七十二冊目錄

(同治)瀘溪縣志

人物志(上)	一
人物志(下)	一三
流寓	三三
仙釋	
方術	三四

(同治)進賢縣志

人物	三五
仕蹟	三五
良臣	五三
儒林	六二
忠節	七〇
文苑	九一
武略	九六
高士	九八
義行	一〇一
寓賢	一〇五

方伎	一〇七
----	-----

(民國)吉安縣志

人物志	一一一
-----	-----

四先生列傳

宦業	一二五
忠節	一四七
戎略	一六七
儒林	一七四
文苑	一七九
隱逸	一八七
篤行	一九二
孝友	一九九
義行	二二五
善良	二四一
藝術	二四七
流寓	二四九
耆壽	二五〇
貨殖	二五四

(光緒)泰和縣志

列傳	二五七
----	-----

正傳

補傳

附傳

敦行

文學

隱逸

方伎

耆年

寓賢

方伎

寓賢

(同治)安福縣志

人物志

名臣

忠節

宦績

忠義

理學

儒林

文學

孝友

義行

隱逸

隱德

耆壽

童慧

寓賢

方伎

仙釋

人物志

(光緒)吉水縣志

名臣

宦業

戎略

儒林

文苑

忠義

殉難紳民

孝友

善士

隱逸

三三七 三三九 三五二 三七三 三七四 三七七 三七九 三八三 三三七 四二七 四七〇 四七四 四八五 四九九 五一一 五二六 五四〇 五五一

五五九 五六一 五六三 五七七 五八一 六〇一 六〇四 六〇七 六一七 六三〇 六四八 六六八 六七〇 六八六 六九六 六九九

溫縣志卷九

人物志上

宋李觀字泰伯少穎悟五歲能調聲律習字十歲通舉子業慶曆元年應制科首被召試有司失之遂退而隱竭力養親不慕榮利夙夜討論文武周公孔子之遺文舊制與當世之務悉著於篇爲文章自成一家倡立肝江書院鄉曲俊異從而師之東南聞風至者常數十人范仲淹守饒州得其文薦於朝稱其議論六經淵博明達粹然見聖人之旨著書立言有孟子揚雄之風并上其所業禮論七篇明堂定制圖序一篇平土著三篇易論十三篇共二十四篇不報皇祐二年仲淹又與余靖交章薦之乃授太學助教

溫縣縣志

卷九 人物志上

教鼎祐初召爲太學說書明年又以海門主簿祿之時胡瑗罷以親權同管太學逾年以祖母未耐先塋請假歸葬尋卒年五十一所著書二十四篇外尙有周禮致太平論五十篇富國強兵安民策各十篇潛書十五篇廣潛書十五篇慶曆民言三十篇常語三卷朱子嘗稱觀之學得於經爲多又言周禮論與已意合熙寧中門人鄧潤甫爲御史中丞上觀退居類藁皇祐續藁并後集得官其子參魯郊社齋郎明成化三年邵人左贊上疏請封其塋域禁其樵牧立祠歲祀復其守者詔允之瀘置縣後萬曆四十二年邑令潘元勳立祠學官左有司歲時致祭祀以少牢李山甫字明叟觀之姪皇祐元年進士嘉祐中知建寧縣

遷建學校擇士充弟子員督課之儒風以振熙寧六年西

師取河州守香子城以功遷太常博士通判河州羌人犯

城與知州鮮于師中固守之凡二十七日而圍解元豐三

年王韶薦其材可用授作坊使權發遣澧州召對論邊務

神宗慰勉久之既至蠻洞惴服山甫長於聽決而原於人

情臨事敏捷所至有聲累官樞密副使

李參魯字孝儒觀之子行純才周能濟父美哲宗朝鄧潤

甫爲御史中丞以觀所著書上得補郊社齋郎調新與縣

尉以能稱廉察使薦爲韶州判官未拜卒

曾誼字子常好學博聞善屬文皇祐元年登進士第補新

建王簿擢龍川令歷上高新淦桐城所至平恕質懇務在

溫縣縣志

卷九 人物上

二

愛人不爲刻察提舉江南東路常平倉兼農田水利差役

事同職欲增賦役錢於民誼爭不能得自請罷去遂知楚

州楚饑四方之船粟至者而易吏定取價賤予價貴販者

不爲行人以乏食又取民之食其伎者銷於官禁不得私

鬻市井騷然誼初止之不變則按致之法朝廷命他吏覆

視不能易誼言市易吏得罪免誼益不合卒以他法罷平

居恂恂及遇事不奪其守家故貧然節廉自重罷歸常閨

門居不與人事或日昃不得食晏如也

石松字和甫元豐八年進士任嚴州桐廬縣令陞右從事

郎信州司戶參軍在神宗朝與司馬光文彥博呂公著相

友善不附青苗之議所至有聲民愛慕之

黃驥字耀卿文章典麗度越時輩曾南豐與王嚮書曰愛吾子與南公黃驥皆吾鄉一時之俊也

饒廷直字朝弼紹興壬子進士歷官鄧州通判十一年擢州事值宋金講和以唐鄧二州割畀金人金人迫取鄧甚急廷直以未得朝命堅守不下勢岌岌乃使人閒道賁表上臨安以手染血印之語淋漓痛切遂自刎而死廷直學問該博嘗作將鑒論百篇後八十年包恢得其手錄遺藁於黃應龍稱其當天理而不悖兵法爲奇書云

國朝雍正四年奉

旨建忠義孝弟祠與李大開同入祀

李彖字材叔以明經任杭州教授躬行孝弟和而循禮信

三

而附義喜揚人善如恐不及致仕後居藍田山中教授生徒於諸經靡所不究尤用意詩易著有詩經講義易經通論孟子講義

石致平字君任淳熙二年進士授將仕郎任浙江仁和令有異政後致仕父老扶杖攀號不舍請爾衣冠奉祀之致平攜父老所扶竹杖歸植於進修書院之旁遂叢生焉其竹四時生荀玉色密節俗稱爲老人竹

傅汝舟字曉窓博學工詩欲紹先世令名乃立義試詩會聘鄧秀實師之日與四方名士更相唱和一時作者雲集李浩字成達又字竹逸幼嗜學淹貫經史尤工詞賦領鄉舉赴京不偶歸種竹成林優游自適

黃吳老字平一開慶元年進士授迪功郎贛縣西尉隨授

修職郎和州錄事參軍改宣教郎知豐城縣事轉朝奉郎除臨安府北廳通判一月除登聞檢院兼國史編修與賈似道不合適祖母疾投檄歸隱廉能之譽著於一時

李允迪字德卿又字困齋涪熙庚子鄉薦深於經史居太學與朱熹張栻呂祖謙陸九淵講學日久有詩文十集諸子四書手錄六帙傳世

李洙字宗海觀之後登咸淳十年進士元初臺臣舉宋故官洙與謝枋得固辭不就時稱其忠隱於龍馬峯研精者訂以繼先代之緒以經學政事教授學者號梅臞先生李秀芳字文敏七歲能屬對十三能文十八拔幟場屋上

廬谿縣志 卷九 人物上

四

京圻歸取陸文定集讀之有得謂如是讀書方不枉疾革所親問焉答曰天也引手揮婦人勿近拱手而逝

吳楚材名炎以字行德祐元年建昌降明年春楚材還其鄉領鄉與子應登糾集民兵謀舉義走邵武遂繇邵武太

守黎靖德請濟師于制置使黃萬石萬石不許而授楚材迪功郎權制置司計議官以安之且戒勿與兵楚材不聽

三月己亥自領部率眾晨炊蓐食將攻城鉦鼓震動甫至近郊之縣湖北兵三道蹙之奪其長梯鐵鉤因進攻領鄉拒以木柵不得入事聞益王元帥府承制遷楚材宣議郎

帶行天社令知建昌軍俾聚眾軍圖再舉萬石匿其命楚材既失利且乏援元兵誘降其眾多解去楚材走光澤父子

俱爲人所執郡遺錄事婁南良訛之曰汝何爲錯楚梓杭
聲曰不錯不錯如府錄所爲乃大錯耳府錄受宋官膏今
乃爲敵用事還思身上綠袍自何而得吾一鄙儒特爲忠
義所激爲國出力事雖不成正不錯也南良愧而語塞及
吳浚爲江西制置招討使斬楚材父子傳首諸邑益王立
於福州聞而哀之贈官朝奉郎即邵武境上立廟賜名忠
勇

黃叔美字河清仕宋爲登聞檢院宋亡隱居野南山中爲
詩慷慨磊落不凝滯於物有集揭侯斯序之兄叔敬亦以
文學知名

危固字堅道少好學以孝廉開推先蔭爲庶人作隱居詩

溫縣志 卷九 人物上

五

以見志曰高士隱居處迢迢綠水灣數間玉川屋七里子
陵離出入是非外醉醒文字間千鍾天子祿不肯換清閒
元簡肅薦其文除將作監丞等趙清獻復薦之召詔館職
皆不就

元陳子野隱居藍田山谷懲元季士風之後不求利達惟耕
田讀書以道自樂終歲不抵城市其所居處人稱之曰陳
坊若荀鄭里然

鄧景祥元末亂有曾伯遠者以其族自保景祥時在部不
伯遠奇其智勇遇之甚厚景祥感泣誓以死報會鄉人黃
長通聞巨寇襲甲伯遠惡之與絕婚長忿殺曾數人伯遠
遂討殺長其黨請報於黃翼提兵入境欲滅曾氏勢張甚

不可禦景祥曰吾爲伯遠解茲既死何惜乃挺身直往翼
壘紿之曰我伯遠也戴頭來矣餘何罪而欲屠之翼義其
言卒殺景祥引兵去曾氏感其義立祠祀之

明傅震正統間邑大饑官帑殆盡震出穀助賑有司以聞降
勅嘉獎勅江西建昌府南城縣民傅震國家施仁養民爲
首爾能出穀壹千貳百石用助賑濟有司以聞朕用嘉之
今特賜勅獎諭勞以羊酒旌爲義民仍免本戶雜派徭
三年尙允蹈忠厚表厲鄉俗用副朝廷褒嘉之意
徐政字孟宣咸化甲辰由賓貢授廣西恭城知縣興廢舉
墜鋤強安善地接邊境蠻賊出入不常政下車示以恩信
六年閒亂不復作地方獲安民懷之立廉尹坊

溫縣志 卷九 人物上

六

魏良材字國器英勇冠人精通武藝嘉靖四十一年山寇
掠析源草坪陳坊等處良材率鄉壯家僮勦賊有功巡按
獎拔題授山東兗州千總固辭不就

孫奎字啟文稱曲澗居士積學數行二親相繼逝廬墓六
載未嘗一屢家庭閨館舍以延四方學者口廩餼之里閭
待以舉火者亦數十家喜吟咏每策杖泉石間有所得輒
書之積爲曲澗藁嘗辯饒延道死於忠義正德志誤人神
仙其言極有功於名教又有史記辯孫孫奎子兵法若干
卷藏於家

陳希聖字思源潛心理學厲志操修不爲外誘師事羅明
德與新城鄧潛谷南城蕭伯羽友善壯年嘗伏闕上書不

報遂退而歸隱伯羽令潛山歸延致之與商推古今校定所爲詩文潛谷稱其好古獨行又稱之爲陳布衣其後復有危布衣者各萃台字象泰當國家末造每讀文山集慷慨激烈往往挾以自隨年五十更自斂抑開金谿陳惟易精於易理徒步往請其說曰道在是矣遂俯首稱弟子時人賢之希聖所著有水芸臺集仕學篇

孫琚字廷佩又字廉峯姿性敏捷常從桂古山遊與桂文襄公友善同兄瑾補弟子員後以恩選貢入國學授湖廣寶慶邵陽縣丞清謹愛民扶摘奸伏無遜情尹於訟不得其理者輒屬之解綬時耄稚琴轅載道晚年捐廣祭產創立義倉輸糧十石零入學資貧士膏火諸司督學俱獎異

瀘谿縣志

卷八 人物上

七

之卒年九十有六

傅汝掄字材卿恩貢生幼嗜學不厭下筆千言立就試有司以舉行首諸生事母以孝聞撫庶弟友愛篤至析產授以膏腴而自取其賸日授生徒數十講論不輟一時學者傾誠嚮往稱曰三源先生

張椿歲貢任平度州州判攝篆昌邑東土藉以保障會考成特賜勅褒榮以築城功委署卽墨以平寇功委署州尹士愛其才兼武庫俾參軍京衛九年數歷贊詰克壯其猷轉瀏陽令

許子材字全卿又字仰山由例貢授常州宜興縣丞攝縣事勤敏廉明陞岷藩紀善致仕

鄒吳三萬麻開大嶺上諭富民出穀助賑吳同孫少東捐粟數百賑濟院道旌扁祖孫尙義

譚清瀉七世同是巡撫獎扁義門邑令范涑贈聯云七世同居頗有張公雅度一門敦義宛然鄭氏遺風

林政天性孝友愿事四繼母愛敬一如所生兄弟和藹不忍異居邑令范涑廉其孝友申請校院嘉獎年九十陳邑令禮請鄉飲

傅文燭敦倫樹義樂善好施弟姪幼孤教養婚配皆賴其力他歲連歉發粟數百石邑令優禮獎異之先後四御史給扁予冠帶

盧魁字南麓本姓黃金一幼子也金一有同懷妹適廣無

瀘谿縣志

卷九 人物下

八

出固求繼姪於金一不得已以魁往魁性孝先意承志一如事其親姑母疾六年服侍湯藥不少懈姑父復病疽飲食起居俱左右之嘗負之出入以舒困及姑父疾棘命魁曰爾事我不異所生豈有孝子不念其本生者我死爾仍當歸魁不忍去後其子請復本姓魁然曰是又失吾父命吾繼盧初心也乃田盧爲姓而以黃爲歸生父產業悉歸諸兄焉

林敬天性至孝父病朝夕虔請願以身代父愈敬七日亡父嘉其孝別置因以供其祭縣詳上給扁曰純孝殉身

李文潛字少白萬麻時禮部儒士工詩今其集亡惟江左楊起元詩調連牘所選數首傳於世

曾漸字時達又字梅阜性敏達綽有文譽以例貢兩試北
闕不偶授閩縣主簿守職以廉感民以德致仕歸暨家廟
修先塋創立家規長幼翕然其他與梁義渡為德於鄉者
甚眾及卒邑人哀之

石文器字伯重又字玉完性航僻慷慨任事萬厯己酉以
選貢中順天鄉試癸丑成進士授廣東曲江令地多盜文
器緝盜博絕至藏盜皆徙大水暴至田廬壞官廩粟盡濕
文器不待報盡發之以賑民民大悅以擅發被劾降安慶
經歷攝太湖令四十八日政聲茂著民立祠生祀之遷永
平司理丁外艱補建寧鋤凶殘猾決獄於片言旁郡皆來
質成擢大理左寺副轉右寺正與定諸惡案得其平崇正
德縣志 卷九 人物上

九

己巳都城戒嚴有旨斂兵入城以待援師文器疏言斂兵
城內十不便請簡精銳基布城外鼓其愾怒以與勤王師
合神臂飛礮之威有所施反閒潛伏之計有所用于謙用
石亨洪彪於城外而社稷固於苞桑此已然之明驗也未
幾袁崇煥復以入城休兵為言帝遂下崇煥於理河開缺
守以畿南重地擇文器為知府文器清濠治械日夜以盜
為事盜發獻縣巡撫遣兵備道往捕兵備怯許盜自首盜
益恣馳突城闕莫敢問文器掩捕盜魁尸諸市盜稍逸去
遊擊孔有德叛文器授計營將伏兵潛伺斃賊五十餘人
生俘倍之賊遂奔山東破一郡七邑靜海令巡撫私人也
役民夫而中飽千金文器劾之巡撫怒劾文器設守擅殺

罪坐戍久之得放遣國變素服哀號卒年七十九所著有
翠筠亭集易經臆闡四書義毛詩義

傅文燭字奎垣以訓導陞雲南廣西州通判攝府篆先是
苗民獷悍叛服不常燭披誠布赤馭之苗民感泣相謂曰
翁不我欺真父母也監司交章論薦例得遷燭老病乞歸
魏名魁字公可萬厯己酉歲貢丁巳監考第一授廣西陸
川知縣時邑凋瘵蒞任值歲大荒名魁捐俸以賑發倉廩
以貸民乃安集復修葺學校月三課諸生厚其供億公餘
擲管為文為諸生式陸川文風自此大振然心乎仁下疏
於媚上故任未終而告歸

傅先覺字性海由歲貢授山東臨淄知縣嚴氣正性公忠

瀋陽縣志

卷九 人物上

十

自矢忤當事任八月免歸復文致贖款蕩產無餘崇正元
年昭雪起用以老謝

林志道字覺原由歲貢任浙江嘉興府通判管理嘉湖兩
府白糧釐剔獎賈勸輸有法攝府政兼視道篆當繁劇之
會以一身任之裕如也撫按交薦陞廣西柳州同知

魏名大字匹凡邑庠生質直好義樂誘掖後進遇事為人
排解歲荒減穀價以濟貧乏邢御史曾旌其廬曰善士

鄧舜日字五明幼習儒業以廉潔自持中年喪妻不再娶
族有貧不能婚者助其貲歲饑自食糜粥留餘粟以賑困
乏子二長璫次璫俱以文名

魏雲中字溥若邑庠生篤學嗜古卽釋氏內典咸究并黃

積卷滿樓坐卧其中自夜分一寢外雖食頃書嘗在案用
輩自以書癖年未四旬病劇倚手一卷而逝

林士講字弼宸由歲貢任將樂縣訓導陞貴陽縣知縣撫
綏苗民各得歡心雖直道左遷而邊徼至今頌德

林樹英字茹實由恩貢授泰州經歷謁選日條陳時事在
官發奸摘伏每於離政橫暴之日婉轉爲民請生上官常
加禮待之陞萊州州判

林世第字越軒歲貢生博覽羣書司鐸青齊多方訓迪擢
滇南令急流致仕

盧允中字養元少習舉子業屢試不售父命商楚蜀以親
在不忍遠遊父以年壯慰之乃客外十年歸悉出所獲與

卷九 人物上

十一

三弟均分邑之來鶴亭接龍橋三谿莊上石橋俱捐多金

後授省祭官

石文珩警敏嗜讀弱冠補弟子員事繼母以孝聞母病篤
衣不解帶親調湯藥所以身代母病痼疾已令梁應掄申
請給扁賜粟以獎異之

林世熙字叔開神宇爽豁議論亢鬱日惟抱卷朗吟落筆
千言立就邑令潘元勳延訓五子俱有聲生平一介必嚴
人皆仰其風節

石瑯字呈潤邑廩生時新建縣治試督學無一等瑯毅然
呈於學使者面試賦江賦從姑山詩學使大嘆異拔以冠
軍越數年士冠踰瑯瑯練鄉勇以爲保障地方賴之

傅性純字毓元又字完璞邑廩生少孤力學負遠志進士
石文器延置西席常稱其丰骨峻整品行純粹道德文章
足範後人甲申聞國變哀號不食卒

方調鼎字伯元邑庠生家貧事母至孝嘗授徒近里有饋
以甘旨者必持歸奉母主人得其情遂日進鮮於其家亦
純孝所感也

魏能容字介臣又字洞谷崇正庚午領鄉薦以清風亮節
聞於時授徒講學外齒無他及其後隱居食貧三十年淡
然無忮求意

王拱盤字維城又字衡翊崇正癸酉舉人嗜學敦品言必
有坊事父母以孝聞和樂及於兄弟產雖中落隣不舉火

卷九 人物上

十二

者周之里不任葬者視之人有寬而覆者白之有偷兒至
拱盤善遣之終不以告人也其長厚又如此

黃鍾鳴字元韻由拔貢任合肥知縣端謹易直寓撫字於
催科運精詳於博大殘封整頓士民休嘉時重鎮師集婉
以馭之兵肅民安撫按交章薦舉

龔麟標字隱谿由歲貢授廣西興業知縣陞鬱林州知州
敏慧淹博有聲詞壇而天懷古茂若不知人世有機械事
受吏事不屑屑簿書嘗日進諸生以講學屬時多盜加意
撫恤寬然於法度之外潛移默化盜漸解去說者謂有渤
海家風

鄧瑄字溫如邑學生舜日子瑄少有志操動以先正自期

與弟墳俱受知於督學蔡懋德侯峒曾拔以冠軍爲學潛
心經史務在窮理久之悠然有得謂堯舜人皆可爲雖顛
沛流離弗懈也著有春秋補注一書於五傳多所駁正其
承順父母友愛弟兄家庭之閒尤見至性瑣字文孺母死
水漿不入口者數日鄉人稱爲二難

傅金城字方築恂恂孝友讀書不倦尤潛心理學不事章
句著有五經臆補惜兵燹不傳

傅代言字弼高邑庠生嗜學力行以古人自期尤敦孝友
父歿哀毀骨立居喪三年不飲食酒肉事繼母敬養備至
撫異母弟友愛若同懷

傅臯字念橋克敦孝友父早喪事母得其歡心撫鞠四弟

通鑑縣志 卷九 人物上

七

恩義備至析產時推腹受胎出於自然鄉里嘆爲不可及
傅仰泉事母以孝聞母中年替出入皆泉扶持飲食必躬
進數十年如一日及母喪哀毀柴立朝夕薦饗必慟哭若
有求而不得者

石鳴鳳字岐孟文器子少負英氣資性明敏髫年補弟子
員樂善好施助三谿橋工銀三百兩以妖亂而廢邑有苦
鹽榷之徵者代爲完納不責償

鄧一芝字允中邑學生性孝友事繼母務得其歡日與同
志講明程朱正旨著有莒山集門弟子稱爲莒山先生
劉達可字子庸事親能養志友愛兄弟分居後兄弟或破
其產達可時周濟之生平惟嗜學不辨權量對賓客不能

道世俗事流寓金谿金谿人敬禮之早歲著作盈尺多未
授梓止傳館課十八則

高山字惟謙郡庠生氣量閒雅矩度不踰位明季濁亂甘
遷迤以詩書世其業常訓子姪曰遇合有數不可彊也農
夫力田豈爲不逢年而食未報哉

鄭世倫字育震少穎異嗜學母孀居三十餘年綸承順意
旨母疾篤請以身代里有貧乏爲之周給遇不平事抗言
之無憾於賢人君子每教禮焉

黃振爲五邑軍營教師勇畧過人崇正壬申男寇剽掠屢
立奇功于大鵬調征妖寇奮勇先登失援遇害

李大開字皇求崇正丁丑武進士戊寅張普微妖亂身率
通鑑縣志 卷九 人物上

七

鄉勇堵禦地方賴之授浙江前營把總調守泗州皇陵殄
賊淮北有功陞金華守備池州參將副總兵闖賊陷關奉
旨勤王時高傑等爭淮陽鎮江營與賊通大開力戰死祀
忠義孝弟祠

高日華字登衡以武庠爲湖東道中軍豐輔長髯聲若洪
鐘益藩深器之詢其能以騎射擊刺對崇正十七年出汎
鷹潭委以千總

丁共功幼負勇略例儒不羣崇正十一年鉛山妖寇張普
微掠縣三都張家山夏桂廿一父子附微作亂邑令陳惇
延武進士李大開督鄉勇勦滅旋張普微糾黨與爲夏報
仇共功以鄉勇禦賊戰於南城小竺古角嶺力竭而死邑

道世俗事流寓金谿金谿人敬禮之早歲著作盈尺多未
授梓止傳館課十八則

高山字惟謙郡庠生氣量閒雅矩度不訖值季濁亂甘
遺逸以詩書世其業常訓子姪曰遇合有數不可彊也農
夫力田豈爲不逢年而舍耒耜哉

鄭世綸字育寰少穎異嗜學母孀居三十餘年綸承順意
旨母疾篤禱以身代里有貧乏爲之周給遇不平事抗言
由守備至總兵屢戰有功封威武伯事潰歸隱常以青鳥
術走四方與豪傑往還已而械至章門磔死

王賓臣字簡伯孝廉拱盤子少喜讀春秋傳義氣凜凜每
見諸文詞母孫烈婦死冠難賓臣徧求俠客起義兵卒報

母仇會明亡遂入粵以義殉

石珂字叔寅邑庠生布服山居不求聞達當事以地方人
才薦不就提督劉光弼專制江省欲起爲郡邑司訓固辭
疆年失偶不再娶家多藏書兵燹後一邑文獻賴以不墜
鄧化日字貞明又字著齋崇正二年督學蔡懋德拔貢南
雍大司成姜曰廣以名賢許之見朝政濁亂遂隱居不仕
肆力於濂關關洛之學經史百家詩古文皆有成帙明亡
避地閩中變姓名匿深谷者三十餘年至八十乃卒性峭
直於屏斥世俗或太過而潔已守道善類宗之
傅金門字玉署弱齡補弟子員旋食餼明鼎初革值歲薦
不就爲文章宏練簡老爲瀘士冠

令陳獎旌之

林鳳申申國變籍家財送官助餉金谿之役先登中礮死
魏一柱字砥一崇正還貢生與職方張載述同守瀘谿戰
勝於密潭王得仁下令族瀘之丁傳魏三姓一柱棄妻子
走閩毀破將樂縣結鄖西德化與安諸藩攻克建甯

大兵圍之五閱月城下一柱死之

傅復字舒奇武學生貌魁梧習奇氣每於軍前獻策由康
山守備至總兵屢戰有功封威武伯事潰歸隱常以青鳥
術走四方與豪傑往還已而械至章門磔死

王賓臣字簡伯孝廉拱盤子少喜讀春秋傳義氣凜凜每
見諸文詞母孫烈婦死冠難賓臣徧求俠客起義兵卒報

母仇會明亡遂入粵以義殉

瀘谿縣志 卷九 人物上

八十四

石珂字叔寅邑庠生布服山居不求聞達當事以地方人
才薦不就提督劉光弼專制江省欲起爲郡邑司訓固辭
疆年失偶不再娶家多藏書兵燹後一邑文獻賴以不墜
鄧化日字貞明又字著齋崇正二年督學蔡懋德拔貢南
雍大司成姜曰廣以名賢許之見朝政濁亂遂隱居不仕
肆力於濂關關洛之學經史百家詩古文皆有成帙明亡
避地閩中變姓名匿深谷者三十餘年至八十乃卒性峭
直於屏斥世俗或太過而潔已守道善類宗之
傅金門字玉署弱齡補弟子員旋食餼明鼎初革值歲薦
不就爲文章宏練簡老爲瀘士冠

國朝盧日懋字其升邑廩生性孝每親意有所向悉力致之
雅自矜尚以僻處見聞不廣遍歷山川覽吳下雲閒諸名
勝與賢豪游曠然有得遂發諸篇章有旭堂新藝遇字草
諸刻戊子寇變捐軀

盧珽字子伯邑廩生志氣遠大不規規於淺近偕其叔日
懋日新訪學於鹿城婁東長洲諸名區與李繼貞顧錫疇
馬時雍相往還著有古學彙纂行世戊子土寇亂為族禦
寇而死

王璟字景玉少失怙孝事祖母及寡母撫諸弱弟友于備
至創祖祠課後昆嗜善若飴嫉惡若穢母卒罷舉子業高
尚其志督學便旌以熙朝遺老

滄縣志

卷九人

五

石鵠字漢舉太學生穎悟過人不屑屑於規撫而文多台
法持躬嚴謹介然不苟取遇歲祲作糜以待餓者獲全甚
眾

鄉衍泗字道爾邑庠生有豪氣敦行孝友推於族黨闢學
舍延師課子鄉里有貧不能讀者為給俸貲聯文社一時
人文蔚起皆其獎掖之功次子之言領康熙甲子鄉薦
盧乘龍字雲暉邑庠生廉謹不與外事苟可濟人不惜財
力族某受重賂度可得之當事潛為解釋而恥於見德歐
氏某其壻也卒無以葬乘龍為之安厝如禮并葬其祖及
父聞者嘆服

魏懋中字寰若邑庠生兄雲中早歿事寡嫂以禮育孤姪

以慈凡嫁娶延師築室增田身任十數年姪竟力學成名
族父老訓子弟者必舉懋中為法里有好譏訛人者獨不
敢訛懋中曰彼固真君子也

魏奇字伯民又字白庵明諸生甲申國變棄舉子業新城
御史涂伯昌勤王於閩與揭重熙薦奇可用詔授奇莆田
令辭不就杜門著書遠近從遊至數百人奇通經史百家
言尤潛心心性之旨嘗曰讀書所以明道進德非徒工辭
章已也其教學者皆從切實近裏處著力一時高足如王
軾傳春枝輩聞發所學為多奇天性純篤七歲喪母事繼
母撫幼弟以孝友聞丙戌丁亥閒兵寇交訐異母妹為選
卒所獲奇破家產贖歸江楊之亂季第一子被驅入寨弟

滄縣志

卷八人物上

三

婦抱病竄玉珮以死是時奇挈家避山中聞變雪夜冒鋒
刃昇其喪歸葬教於家三十年年九十有三卒所纂春秋
左氏公穀胡傳凡六卷詩賦辨體十卷子文橫別有傳
黃中澄字孔奕山廩生人太學甲申闖寇父被執幾不測

澄日夜號哭百計脫之

魏毅字鈞千弱冠補弟子員嗜古博學與兄弟相師友明
末亂棄八股業專攻經史古文兼通官譜憫俗之縱于女
入廟燒香者不可莊語也作摘芳園翠屏山曲以寄意
林繼賢字毓一恩貢生學問淹博動止矜莊一語未嘗躁
率父罹非謫挺身昭雪百折不同而事得白遠近稱其篤
行

魏銓字君衡第一躍字潛生兄弟俱博學嗜古嘗走數百里欲師會上平於臨川會上平已卒乃即其舍旁結精廬以居求遺文於其子而讀之既而其學大進傳平叔序其文云大魏閑放多奇小魏沈雄獨秀一時有二難之目于志澄字迪質六歲失怙事寡母克孝性嗜學博覽經史雅擅文名都人士咸奉爲準繩順治十年歲貢官南安府學訓導

盧夔龍字雲翼順治十六年歲貢生任龍泉司訓時喪亂初定官牆殲敗士民散落與邑令多方招集還本業攝萬安督學邵吳遠查兩學不與試者數十人謂其陷賊欲褫之夔龍力爲辯白邵報可數十人得無恙後陞松江府經

滄縣志

卷九

七

歷攝縣家有政聲

李廷棟字晉明恩貢生母患目棟以舌舐之目遂明居喪哀毀骨立歲凶平糶設粥以餽飢者不慕榮利優游林泉自樂其志

傅南錦字天孫庠生孝友播稱內外無閒從父應廷試父染疾京邸連月目不交睫痛父歿幾至隕身忽遇良醫竟得活人以爲孝行之報云

盧升龍字雲蒸邑庠生性直慤值閭變困於兵不爲屈脫歸孝事二親依依孺慕訓子先孝友而後文藝督學使扁獎之

盧琬字子嘉邑庠生性醇厚事親能得歡心親疾敬奉湯

藥衣不解帶親歿居廬三年晨夕哀號如初喪晚事繼母愈加敬謹人無閒言

盧宗蕃字大生邑廩生好讀書目數行下孝養繼母母疾衣不解帶者數月人有危急卽舐臍周之後家業漸落意趣仍自灑然

魏定化字際明諸生家貧失恃能承順父志丁世亂移家郡城時南瀘界有乘亂爲寇者亂平定化挈家歸餘黨猶盤踞貴谿之朗港與土弁相鬪通焚掠甚慘定化乃爲議以狀上於邑令李即龍轉上之巡道李嘉猷發兵征朗港擒土弁誅之瀘始安枕時順治九年也

滄縣志

卷九

太

之設備至不問家計饑乏里有急者輒周之因是漸貧舌耕自給終身不履城市

鄧可人字文子郡廩生品端方博覽羣書病篤以二房孫天民敦復屬子克昭扶植之人以爲克廣親親之義

傅雲騰邑庠生力學敦行中年失恃哀毀骨立父病請以身代友愛諸弟極真摯分產時讓朕取礪晚年藩府延爲西席名噪都會

鄧之俊字公迪邑庠生性剛而好義有楊喻二姓習妻債債者慷慨擲金曲全之歲壬辰山賊竊發設策驅逐鄉里賴以安堵邑有公事竭力贊助臨終屬子弟以邁德敏學正襟端坐而逝

鄧大儀字伯正少失怙事寡母得其懽心撫幼弟成立性
淵宏人犯之不校遇人有患難則扶救恐後負債難償者
常還其券時督學郡縣各給扁以獎

吳謙字益人又字牧菴性敏達讀書日可萬言癸卯科舉
見遺以邊場登鄉薦十三郡奇之胸次磊落偉業自期著
有亭亭居詩集

傅琦字貧石少失恃家貧廢讀適有戲侮者琦腹憤曰昔
人有年二十七始發奮讀書者予年尚未及此走白其父
父壯之命復理舊業不一二年而學成一試入庠再試會
饒撫四弟各有成立

饒縣志

卷九 人物二

九

丁元字長人邑庠生家貧嗜學爲文警辭逸韻試輒冠曹

尤見器於司李王錫發謂其文高一邑遭寇亂殺於兵

饒萬民字育生邑庠生父魯岑遭土弁之難戕於兵萬民
枕戈待旦蕩產數千金卒得仇手刃之以報

傅宗舉字德品邑庠生恂恂敦篤厲志下帷接人不苟言
笑謹身常如處子其孝友真性孚於家庭無閒言

丁天漢字雲章任代有英略甲寅之變官兵駐瀘者萬人
天漢度賊破有日婦女被掠者入軍必指爲賊婦先期簿

列姓氏上之全活甚眾賊投誠者屯田閩瀘之界狻獨特
甚天漢過鎮大吏盡撤去邑人始安

李日彰字旦旭郡庠生甲寅閩變集鄉勇以待王師靖山
寇以安井里地方賴之

王雲程增廣生博學強識罹寇亂難馬賊而死

王璵字典玉邑庠生性剛直見義必爲嘗集紳士請革里
役定條鞭爲瀘出力時有不能完婚者贈以金券不能償
者焚之年九十餘猶朗誦四子書聲達戶外課諸孫講晰
義蘊晦明不倦

丁開泰字見可邑庠生天性過人胞弟達泰久客不歸開
泰以世宅贖產讓姪爲人寡交交則終始如一友某假金
遠買折負莫償開泰絕不介意招爲西席厚其館穀友辭
讓開泰曰不如此子何以活家後數年寇亂始與友分袂
丁聖作字哲士邑庠生幼失怙恃育於從伯母李既長事
李如生母愛李子若胞弟歲大饑族中貧者難活聖作乃

饒縣志

卷九 人物上

二

聚族中富者議已爲之倡令各出所餘計口以貸

徐有功少負膽略英勇過人順治戊子康熙甲寅閩寇逼
瀘有功鳩眾捍敵居民藉以生活

鄧恢先閩飯餘孽肆毒光瀘閩恢先以練總奉委獨守大
源界口爲閩邑堵禦賊平授許提督標下千總鎮守饒橋

于佑字右人邑增生少負才略甲寅耿逆變建屬邑皆被
蹂躪時有土弁援卹落擄男婦二百餘人佑縋縶於寇渠

卒得脫瀘民輟被僞徵者累年定後追積通佑率眾叩部
院涕泣陳情乞請蠲免上鄉谿石曉响不遠舟楫佑哀懇

貴鳩工鑿之邑苦大差他年者多傾其產佑集同志紳士
累呈各憲詳革請定畫一條規至今賴之

李紹輔字荷簡武庠狀貌魁梧負勇力一食可肉十勛米一斗江機寇瀘有勦賊將軍駐定安寺紹輔以古鐘與之角力將軍一舉而止紹輔提鐘鉦周行佛堂將軍屈服江機聞不敢過其里赴武閣撫軍下人知其必捷索銀三十兩紹輔毅然曰君子進以禮吾豈肯賂左右以博功名耶竟被黜不復求進取以敦善行爲務歲饑施粥嵩市負債者輒焚其券人服其勇而義

傅璜字璧如康熙己未歲貢司訓新昌日課月程不憚勞瘁歷任十二年雖桃李盈門而寒窗冷署泊如也解組歸閉戶著書壽八十六卒

瀘谿縣志卷九

人物志下

李日彰字昭旭康熙戊午領鄉薦授靖安縣教諭每期望集諸生講大學期以致用士咸佩服癸酉聘人閩閩主考孫子未甚重之擢荃康知縣丁母憂服闋補南和適水滸彌賑鄰縣匿不以聞彰慨然曰是豈所以爲民父母爲請蠲賑得報可民困稍甦歲饑再請賑復捐俸設藥局以救疫在任五載民頌不置以疾解組歸重刊野江集立義倉以惠族人邑中多稱道之

鄒之晉字仲昭少聰慧一目數行伯兄之震儼縣庠初中副車甲子登正薦居家孝友動以禮法自持見不義惟恐

瀘谿縣志卷九人內下

晚已樂誘掖後進一時人才多藉以陶成

曾先春字子元歲貢生爲文雄奇高渾尤工書法

廷試授新昌縣司訓正士習勸課裁擢取之財視若糞土晚歸林泉訓子姪砥礪廉隅學使郡守皆旌之

盧宗振字大說歲貢生弱齡補弟子員設帳二十餘年邑中知名士多出其門七試秋闈不售銓授瑞昌訓導課文而外嘗誦讀於篤行迄今瑞昌士風涵雅皆其功也所著有春秋定旨參

鄧應角字雲先又字若人少負大畧以經世爲亡任詩古文詞更冠絕時流康熙乙丑拔貢部考授知縣未任而卒孫觀任慶元縣知縣贈文林郎存守菴堂藁數卷

魏邦屏康熙乙亥歲貢性寬宏不露圭角而骨氣駿爽爲合邑草里排開水道噴有賢聲著有適興閒吟草

黃棟字大彥歲貢生學行爲鄉里望優於幹理草里排修城池與有力焉授德化教諭未任卒

魏學徵邑廩生博覽羣書析理深細屋側斲亭植梅五株

中雜一柳每銜觴勝詩自娛號樂梅侶著日涉語錄數卷

周鑒字光遠歲貢生讀書朝夕不倦爲文博雅一時從遊者多成立性尤篤誠無詐飾里中有忿爭者聞其言即怡

然以解及歿鄉父老皆憤慨曰不復有是人矣

傅作冊字若濟邑增生幼失怙恃挺然自立童年卽負文名而慷慨果毅見於猷爲者尤高人一等次子彤登丁巳

瀘谿縣志卷九人內下

恩科進士三子彰歲貢生

徐秉謙字子益讀書懷古不求聞達有孺子風歿時南城

夏士偉輓以詩曰暮雲春樹兩悠悠不老青山亦到秋泉

石煙霞風景在生平原不事王侯

李元勳字念功邑廩生博覽羣書通達時務縣值役者爲里排所累元勳偕紳士請縣詳革至今咸頌其功

譚采言字惟章孝事繼母四十年如一日壽八十有三

林砥柱字美大邑庠生八歲失恃善承父意友愛繼弟終身不忍異爨嘗署爲善最樂四字於廳事爲家訓甲申大

祿減價出粟並不責欠時有林佛之稱

鄧之麟字開周邑庠生性純篤幼失怙恃惟祖是依祖既